

42
37
22

準
貴

兵



紀事本末卷之四十四

提督浙江學政僉事豐潤谷應泰編著

際科

男

際辰

訂

竇鏞之叛

武宗正德五年夏四月慶府安化王竇鏞反竇鏞者
真靖王曾孫也祖秩焄靖王第四子永樂十九年封
安化王弘治五年竇鏞嗣王是時劉瑾擅權毒流天
下竇鏞素有逆謀與寧夏衛生員孫景文孟彬往來

甚密覘王九兒降鸚鵡神妄言禍福每見真鑄輒呼
老天子真鑄益懷不軌會瑾遣大理寺少卿周東度
巴寧夏倍益頃畝徵馬屯租甚急敲朴慘酷諸戍將
衛卒皆憤怨景文謂真鑄曰殿下欲圖大事此其時
矣真鑄遂令景文家真酒邀諸武弁素所被辱丁廣
楊泰等飲景文以言激衆怒且謂真鑄多奇徵可輔
欲盡殺諸守臣劫衆舉事衆方怨聞景文言皆忻然
從之曰卽事不就死無恨遂歃血盟定計衆散去景
文以報真鑄真鑄令人往平鹵城說戍將及素所厚

張欽等十餘人皆從之各集衆待時有邊警總兵姜
漢命周昂簡銳卒爲牙兵得申居敬等六十人昂領
之初五日真鑄遂置酒召都指揮何錦周昂指揮丁
廣謀反錦昂者故常托景文貸真鑄金納敏陞都指
揮德真鑄深賞真鑄大會巡撫安惟學總兵姜漢少卿
周東鎮守太監李增鄧廣漢等惟學東辭不往副總
兵楊英以聞警帥兵出亦不至錦等詐言寨下警急
呼壯士申居敬備邊執兵械跨馬呼譟儀賓韓廷璋
等伏兵府序下錦等趨安化府推門入序中伏兵起

殺漢等遂走行臺殺惟學及都指揮楊忠又殺周東
縛侯叅議放獄囚焚官府劫庫藏奪河舟大索慶諸
王將軍金幣萬計召逆黨平鹵城千戶徐欽引兵入
城偽遣印章旗牌又令景文爲檄數劉瑾諸罪狀張
綵劉瑾言雄毛倫文臣武將內外交結謀不軌今特
舉義兵清除君側凡我同心並宜響應傳布邊鎮以
錦爲討賊大將軍昂廣左右副將軍景文爲軍師欽
先鋒將軍魏鎮等七人都護朱霞等十一人總管關
中大震陝西守臣將寅鏞等用印劉瑾激變罪惡告

示榜文封奏謹匿不以聞 總兵曹雄等聞變率兵
沿河堵截遣廣武營指揮僉事孫隆將大小二壩積
柴捲掃柴草盡皆焚燬楊英率黃正等發靈州順流
而下鏞遣魏鎮等至廣武營散賞孫隆用弓箭神鎗
拒却之曹雄親帥兵至靈州 初寧夏游擊將軍仇
鉞聞邊警帥兵出玉泉營寅鏞反遣人招仇鉞令以
其兵來會作計之帥衆還鎮鏞奪其軍車騎歸私第
京師訛言鉞已從賊又與武營守備保勛故與賊聯
姻亦遂疑勛爲外應朝議用勛爲叅將鉞爲副總兵

紀事本末 卷四十四
令率兵討賊。於是勦上疏言臣母及妻子俱在賊中。臣義不顧家。恨不飛渡黃河。食賊肉以謝朝廷。鉞亦稱病臥。陰納游兵壯士。俟保勛等兵至。從中起爲內應。俄而總兵曹雄亦遣人持書約鉞。鉞蒼頭書童者。沒河潛入城。具言保勛楊英韓斌時源各率兵屯河上。廣武營都指揮孫隆焚兩壩埽捲河舟。盡泊東岸矣。鉞喜。嗾人謂賊宜急守渡。以防夾河灌城。過東岸兵勿使渡河。何錦果率都指揮鄭卿等三千人出覘渡口。留昂守城。時四月二十三日也。真鑄出城祭祀。

社稷旗幟等神使人呼鉞陪祭。鉞復稱病不出。昂自來問疾。鉞陽呻吟臥伏。諸蒼頭聞賊來。得俟昂入。用鐵骨朶擊殺之。割其首級。鉞卽披甲仗劍跨馬出門。呼諸壯士楊真等從者百餘人。直趨安化府。執朱震孫景文等十一人殺之。擒真鑄及其子台潛儀。負謝廷槐韓廷璋并黨李蕃張會通等。詐傳鑄令召錦還。而別遣古興兒密告鄭卿。令反。正編方帥兵還。卿卽以所部兵擊殺胡璽魏鎮等十餘人。聲言城中事定。以携衆心。又往河口。執劉鉞姜永殺之。衆大潰。備

紀事本末 卷四十四
五
錦丁廣張欽楊泰正脫身走追擒之賀蘭山外并獲
申居敬等曹雄楊英各先後至寧夏鑄起兵凡十八
日而敗。上聞真鑄反頒詔天下慰安人心詔內有
宥充軍罰米官員停徵糧草等件出內閣草中又欲
取回各處差出官校劉瑾有難色以李東陽言從之
五月命涇陽伯神英充總兵太監張永總督軍務太
監陸閔管領神英起前右都御史楊一清爲提督率
中外兵討真鑄時朝內不知四月二十三日事故出
師神英等統京營兵合陝西諸鎮兵馬分道進勦瑾

矯詔改戶部侍郎陳震爲兵部侍郎兼僉都御史討
真鑄暫行總制事震附瑾由光祿卿陞戶部侍郎瑾
倚之爲腹心會真鑄反衆推楊一清提督軍務瑾屈
於公論不得已從之然度一清必辭故遣震繙縫其
間冀其成功將柄用之已而聞真鑄已就擒楊一清
上疏乞將京軍取回以安反側上詔涇陽伯神英以
兵還命張永及一清仍往寧夏綏安地方時道路相
傳總督率京營兵將屠寧夏一清慮激變遣百戶韋
成賚牌曉諭寧夏官舍軍民大賊已擒地方無事天

子遣二王重臣來撫定爾輩又出示朝廷止誅首惡不究脇從有功者許錄用各部官員不許聽人誣陷敢有流造訛言者治以軍法侍郎陳震械寘鐸送京師楊一清以事干宗室處置少踈恐生他變又各犯有原謀脇從情罪不一一繫解京將無可活者故馳往正之時已渡河乃收繫靈州以待一清會太監張永檄鎮守撫按督同王司官公審分別首謀共謀隨從等時鎮巡逮至千餘人一清出者凡百餘申屠敬徐欽程保等止逮其身繫家屬俟正犯誅後徙其

妻子奏聞下法司議從之一清又謂永曰恩威當並行不悖大變之後堂陛交替不復知上下之分維時造偽命偽符手刃大臣者戕殺主將奪其家者遺姦尚存無以善後乃密諭鎮巡捕指揮馮經等奏上伏誅八月太監張永回京楊一清仍總制陝西三邊軍務削慶府護衛寘鐸錦廣等械至京皆伏誅論功封仇鉞爲咸寧伯

谷應泰曰正德二年四月慶府寘鐸反十四年六月寧府宸濠反逆同罪均固已然古者天子

居重馭輕先奠根本分建宗子次固維城無事
則修職稱貢率土歸王有事則環甲荷戈用紓
國難是以家裕苞桑國鞏磐石計深遠也劉瑾
威劫大臣權傾萬乘帶刃畜何羅之謀術士進
蒯通之論二世之禍直須時耳寘鐔聲罪發難
志清君側夫產祿在而興居之兵非叛武嬰篡
而敬業之兵亦正惜其溺志巫覡擅殺命卿狼
狽稱戈既無觀變之智徘徊河上初無撥亂之
心所以身膏斧鑕而秦人莫之哀也不然扶蘇

受沙丘之詔而吞聲自裁湘岳得臺城之命而
環甲不進強枝固本又何以稱焉雖然寘鐔一
狂悖豎子也天誘其衷彼焉思逞天始借鐔爲
逆瑞投首資乎寘鐔不反則張楊夜半之謀不
合寧夏不亂則武宗腹心之愛不割張父趙母
社稷之憂詎有艾歟觀楊一清道聞鐔擒而急
反京兵緩誅惡黨豈非狡童游魂應時剪滅而
瑞毒方深人心易震內憂未靖外寧非福羽房
之計得行而後戰勝之賀乃在廟堂也然則寧

紀事本末卷之四十五
夏之功不在寧夏在於楊一清乘真鑄以誅賊
社之奸南昌之捷不在南昌在於王守仁滅宸
濠以集觀餽之騰嗚呼皆可謂大臣者矣

紀事本末卷之四十五

提督浙江學政僉事豐潤谷應泰編著

男 際科 訂

際辰

平河北盜

武宗正德四年秋九月畿南盜起時劉瑾用事專恣
驕橫京師之南固安永清霸州文安地方京衛屯軍
雜居其地人性驕悍好騎射往往邀路劫掠響焉
盜至是聚黨益熾瑾欲速除之分遣御史甯梟于真

定殷毅于天津薛鳳鳴于淮陽專事捕盜舊例御史出不得以家屬隨至是杲等許攜家往以滅賊爲期鳳鳴在歸德與守備指揮石爾會飲令人歌舞爲樂邏卒奏之傳首降鳳鳴爲徐州弓手毅在天津稍收斂惟杲奏立什五連坐法盜賊捕獲無虛日每械盜賊入真定用鼓吹前導金鼓之聲彌日不絕瑾以捕盜功擢杲毅僉都御史仍專督捕盜

五年冬十月霸州隆盜劉六劉七叛初霸州文安縣大盜張茂家有重樓複壁多爲深窖同時劉六劉七

齊彥名李隆楊虎朱千戶等皆附之諸大壻多文安人茂通賂納交太監張忠者號北墳張與茂居鄰結爲兄弟因得徧賂馬永成谷大用輩常因內官家人出入禁中進豹房觀上蹴鞠益無忌憚河間叅將袁彪數敗賊茂窘乃求救于忠忠置酒私第招彪與茂東西坐舉酒屬彪字茂曰此彥實吾弟耳今後好相看無相扼也又舉屬茂曰袁將軍與爾好今後無擾河間彪畏忠不敢誰何諸將聞風肅胸及甯杲至有巡捕李主簿奉杲意僞作彈琵琶優人入茂家具知

曲折果率驍勇數十人，乘不備掩擒之，斧折茂股，載歸餘賊相率至京謀追罪，忠與永成爲請于上，且曰：必獻銀二萬乃赦之。劉瑾家人梁洪亦索萬金，六七楊虎計無所出，潛劫近境，冀以足所獻。會虎焚官署，六七知事敗散去，六七膽大，弓矢絕倫，諸盜皆畏之。涿州州官知其能，召至，協捕有功，御史蔣瑤亦用而賞之，或勸瑤并絕禍本，二人竟颺去。果仍圖形捕之，逮繫妻孥，盡破其家。六等寤賊是憤恚，乃相聚抗官府，劫行旅，旣劉瑾伏誅，果亦被劾，麾下健兒多歸之，詔

下討賊，仍許自首免罪。六等遺其姊出首，自領三十人詣州知州郭坤以聞，賞之，令捕他盜，自效。至是復叛去，往附畿內盜白英，時英已流劫至山東。

六年春正月，霸州巨盜劉六、劉七聚衆攻文安，肅縣劫取繫獄盜黨齊彥名，時寤民響應，旬日間衆至數千，劫掠畿南州縣。霸州文安生員趙風子者，名鏗，有勇力，好任俠，每大言自負。先是劉六等攻掠文安，鏗率妻子避賊立水中，賊劫其妻，將汙之，鏗怒奮往殺傷二賊，爲劉六、劉七所擒，說使降，許納歸家，與弟鏞、鏞

聚五百人會于河間由是賊黨益繁自畿南達山東
倏忽來去勢如風雨乃命指揮同知李瑾統京營千
人往討瑾至德州奏言白英約四百人分爲二一劫
諸城高密安丘沂水一自穆陵關南陷魚臺直趨金
鄉賊所得皆民間馬一晝夜數百里馳而官軍馬少
無以追敵請于山東直隸取給備戰從之命瑾充叅
將捕盜三月賊入博野饒陽南宮無極東明等縣
深冀定祁開等州境大肆殺掠攻濱州臨朐臨淄昌
樂日照蒲臺武城陽信曲阜及泰安州皆破之時賊

衆強多出不意突犯所在單弱勢不能支李瑾東西
奔命吏部尚書楊一清建言推用大將及文臣有才
望者提督軍務從之命惠安伯張偉充總兵官召馬
中錫爲右都御史提督軍務統京營兵征流賊夏
五月兵部尚書何鑑奏禦盜事宜時承平日久民不
知兵郡縣望風奔潰甚至開門迎款以故南北不通
人情洶洶鑑建議選將練兵嚴號令公賞罰募義勇
起用舊將白玉等數人奏行山東直隸等處修濬城
墮選補軍餘錄用民間武勇不許遺以資城鄉村鎮

店結伍立寨，互相應援。河南、山西等處設兵，黃河斷太行，以防奔突。京操官軍俱留本處分守郡縣。又于漕運十二把總部下，每船選精卒一人，沿河駐劄，以防運道。商旅詔悉從所議。鑑復奏遣都督黃琮、張俊統兵分布霸州等處。六月，流盜趙鑑、劉三、邢老虎、楊虎分掠河南。劉六、劉七、齊彥各分掠山東。鑑等由河南、山西自西而東，踰曲周、威縣，直抵文安，復往河間、泊頭、慶雲。由山東陽信、海豐向西南上江爲散地。六、七等踰山東、河南，出湖廣、江西，仍由故道入長清。

齊河等縣直抵霸州，復走山東向東南下江爲絕地。所至縱橫如蹈無人之境。大抵賊俱起畿內恃馬力，倏忽馳驟，棲野不佔城郭，臨虛不立方所。每戰驅脅從者居前，呼號衝突。官軍見形卽縮，賊相與笑樂。恣所殺掠，稍遇勁兵前者俱陷，自以精騎覘勢爲進退，真可控揣。官軍雖屢有小捷，然失亡多，黠者又受賊賂，多縱舍賊。指揮桑玉嘗與劉六、劉七遇文安村中。六、七匿民家樓上，欲自剄。玉故緩之，有頃齊彥各持大刀，脇官軍敗衄者數十人，至樓下。彥名曰呼，諸敗

軍皆呼彥名曰救至矣無恐也六七遂彎弓注矢以
出射殪數人去各地方官互相推委時馬中錫張偉
所領京營人馬多不簡閱中錫書生欲效龔遂化渤海
事招撫解散張偉統袴子怯不能戰中錫遍檄諸
路榜示劉六等經過所在官司不許捕獲與供飲食
若聽撫待以不死劉六等聞之所至不殺掠然且信
且疑中錫至德州桑兒園駐兵單車從數卒直抵賊
壘開其自新劉六等來謁中錫開誠撫之劉六欲降
劉七曰今內臣主國事馬都堂能自踐其言乎潛使

人至京伺諸中貴無招降意又以山東所劫金銀
載至京饋權倖求赦不得遂益肆劫掠衆至數萬中
錫故城縣人賊至故城戒令勿焚劫馬都堂家由是
謫騰謂中錫玩寇殃民兵部尚書何鑑劾中錫偉擁
兵自衛縱賊不戰逮下錦衣衛獄論死中錫竟死獄
中偉革爵閒任八月丁巳劉六劉七齊彥名楊虎
等合兵以二千騎破棗強縣屠戮甚慘知縣段豸死
之命伏羌伯毛銳充總兵官太監谷大用總督軍
務兵部侍郎陸完提督軍務大發兵討流賊馬中錫

等既無功，中官因以討賊非書生所能辦，遂以大用等帥兵討賊。何鑑奏令陸完率領主事田曹等招募民兵，地方大擾。又奏調宣府副總兵許泰、薊寧副總兵張俊、游擊江彬、延綬、副總兵馮禎入征，內地俱聽谷大用、陸完節制。逮巡撫山東都御史邊憲、真定都御史蕭紳、憲等撫馭無方，遇賊失機，兵部奏逮下獄，除名爲民。且著爲令：九州縣官失守者，比守邊將士例。劉七等因滄州不克，進抵霸州、信安、京師戒嚴，時兵部侍郎陸完提督軍務，師已出涿州。

賊在固安甚急，上召大學士李東陽、楊廷和、梁儲、兵部尚書何鑑，諭曰：賊在東，師乃西出，恐緩不及事，卿等何以處之？鑑對曰：邊兵已至涿州，賊來遂死，但恐望風遁去耳。上喜，初副總兵許泰奏調率部下入居庸關，駐涿州，馮禎入紫荆關，駐保定。上乃諭鑑卽追還陸完，東出往信安，鑑承旨畢，退至部中，已秉燭矣。遣人留都門鎖鑰，賫牌馳諭，戒以失誤者斬。時陸完方欲整兵南行，而賫牌適至，遂直趨固安。許泰、邵永出霸州平口，賊易之，泰等逆擊，殺數百人，賊始懼南

奔天津指揮賀勇過之信安灣賊復敗秦等追擊於東光半壁店擒斬二百七十人永再破之景州鑑橋馮禎敗賊于東明裴子巖斬賊帥偽千戶卻永復破賊棗強縣合兵又破之叅老集及薛家屯擒斬千餘人皆楊虎趙鏗黨也諸將進擊虎鏗于景州朱門村一日數戰殺賊千餘人賊奔遁小灘河北保定都司田彬率指揮趙文等扼之敗績文被獲尋走還副總兵李瑾擊趙鏗于山東蒙山亦敗賊得我神器盔甲及蟒衣虎鏗衣蟒衣沿途炫耀過泰安縣題詩有縱

橫六合誰敢捕之向沂州楊頭管四馬武張通等皆歸賊賊勢益熾冬十月劉六等攻濟寧不克初賊自滄州解圍南走破日照海豐壽張陽穀丘寧陽曲阜沂水泗水費十城至是攻濟寧焚運船千二百艘劾工部主事王寵釋之給事中竇明言朋盜安民擇將事下獄太監張永選團營驍卒聽征擢山東樂陵知縣許逵爲山東按察司僉事備兵武定州逵河南固始人令樂陵期月令行禁止時流賊橫行河北逵修城濬隍踰月而成又使民家各築牆高踰屋

管仍開墻竇如圭。僅可容一人。家令一壯丁執刀俟于竇內。其餘人皆入隊伍。令守號令。視旗鼓進退。違者無赦。又設伏巷中。洞開城門。未幾賊果至。旗舉伏發。賊火無所施。兵無所加。盡擒斬之。自是賊不敢近樂陵。撫按交薦其才。擢是職。十一月趙鏗等至宿遷。初鏗等攻破靈山衛。及日獎諸縣。南攻徐州不下。至是至宿遷。淮安知府劉祥率兵逆賊。不戰自潰。溺水死者無筭。祥被執。縱還。遂渡河。殺高郵等衛官軍三百餘人。執指揮陳鵬。攻靈壁。知縣陳伯安戰敗。被

執。攻宿州不克。焚其西關。欲降伯安。不屈。劉三欲殺之。鏗止之。得釋。又破虹縣。永城。夏邑。虞城等縣。執虞城知縣。尋亦釋之。又破歸德府。守備萬都司率衆追至亳州。武平衛指揮石堅率兵千人。偕兵三百人。邀戰皆敗。殺僧兵七十餘人。至白龍王廟。渡小黃河。武平衛百戶夏時扼之。河場虎率壯士黃寧九騎渡河。時兵不知其爲虎也。擊之。虎奪舟欲濟。官軍以土石擊覆其舟。虎溺水死。鏗等推劉三爲主。總兵白玉擊劉三於秦和縣小南門。敗績。殺官軍一千五百餘人。

失亡盜甲鎗刀二千神器七十餘攻破霍丘殺萬人
執都指揮潘翀釋之殺都指揮三保射殺河南布政
司經歷任傑軍民死者千餘人至鹿邑鹿邑潰執守
城千戶有陳翰者自稱兵部主事乞為劉三子至新
蔡致仕知府張稔率眾遺劉三金帛萬計不攻去當
是時河淮南北官吏望風遁諸將利劫掠戰不力賊
勢日盛劉三妄欲舉大事與陳翰甯龍謀兵無主必
亂其推劉三為奉天征討大元帥趙鏐更名懷忠稱
副元帥小張永前軍管四後軍劉資左軍馬武右軍

邢老虎中軍並稱都督陳翰為侍謀軍國元帥長史
分二十八營應二十八宿各樹大旗為號置金旗二
大書虎賁三千直抵幽燕之地龍飛九五重開溷沌
之天又造鈞牌令所至官吏修道路橋梁備芻糧酒
肉供軍降者秋毫無犯拒者寸草不遺劉六等攻
徐州掠淮西劉七等規知谷大用毛銳等駐軍臨清
復擁眾走霸州賊以十二月朔車駕出郊宮省牲圖
犯御蹕時兵部尚書何鑑未寢左右無一吏卒乃自
具帖子令廁卒遮入長安門逐門遮入司禮監轉奉

上知復傳示各衙門嚴加防守又總城貢報通州良鄉涿州各守備官整備兵馬兼以常制駕出南郊分調軍馬於南海子蘆溝橋羊房角三處下營以防衝突處分甫定漏下五鼓矣有頃上命司禮監太監各鑑至左順門問今日駕可出否對曰駕當早出以安人心車駕遂出迨暮方回賊知有備不敢犯十二月劉大等西奔掠新城雄縣定興安肅易州涑水而南破高陽蠡縣博野容城深澤束鹿覘知祁州有備乃迂道竟攻臨城高邑成安饒陽由真定掠趙州安平

直抵晉州藁城栢鄉內丘南河衡水等處鑑計賊非東向臨濟必南奔彰德移文促陸完督軍分道追襲至彰德賊方圍湯陰聞官軍至望風遁去許泰馮禎邵永金輔李壘張俊成釗追戰敗之渡河溺死者無算劉七等復糾眾萬餘圍李壘馮禎營許泰與禎瑾內外夾攻敗之賊遁去劉六劉七齊彥各劉三趙鏗邢老虎等復分掠山東河南賊欲牽制官軍故分寇其勢益熾劉三等攻陷上蔡縣知縣霍瑄死之前鋒臨商水知縣率吏民降進攻西平知縣王佐拒

敵被執馬不絕口賊支解之乘勝攻破舞陽劫獄獄
有僧德靜偽稱唐府官人子賊黨賈勉兒留之至葉
縣執知縣唐天恩并其父殺之攻襄城襄城人餽銀
馬不攻攻破寶縣僉事孫盤賈黃榜撫賊趙鏐復書
曰羣奸在朝濁亂海內誅殺諫臣屏斥元老乞皇上
獨斷梟雄之首以謝天下斬臣之首以謝羣奸有掠
縣令妻子者鏐殺之破裕州殺都指揮唐濟同知郝
采屠其城 命遼東巡撫都御史彭澤提督軍務以
咸寧伯仇鉞爲平賊將軍充總兵官帥延綏榆林諸

路軍馬討河南賊澤至大陳軍容擐甲引見諸大校
責以退縮嚴軍政論行法建勳諸大校無不惕息頓
首請自効良久釋之遂鼓行前時河南親藩告急何
鑑建議復于宣府大同遼東延綏諸將部下續調未
發官軍分道赴之復以諸賊分責諸將計日勦滅
七年春正月劉六等復攻霸州何鑑續調宣府邊兵
在涿州者遇之賊遁去先是陸完聞賊北奔恐犯京
師卽調許泰邵永追至德州泰永方恐後期獲罪而
賊東遁之報忽至泰永驚喜久之乃知邊賊宣府續

調兵也嘗語人曰何公此舉既解霸州之危復舒吾
輩之罪既而遼東續調軍亦至郤永率邊軍追賊至
山東大敗賊李隆于穆陵關隆奔劉七營劉七惡其
反覆斬之并其衆復歸河南陸完分調諸將許泰等
大敗賊衆于汴北時撫治鄖陽李士實亦發兵攻
賊奔商水倉皇阻河不能渡官軍併力蹙之方可殄
滅而紀功御史雷宗力勸諸將朝崇府盤薄久之賊
因得渡商水何鑑劾宗阻誤兵機逮下獄伏兔伯
毛銳至真定敗績銳衰老怙懦所領京軍萬餘皆悞

不諳戰谷大用擁衆觀望不敢進銳帥師至真定遇
劉七等與戰大敗適許泰援至銳僅以身免失亡所
佩將軍印徵回京師以與大用同事不問罷歸第
二月趙鏐等攻唐縣先後二十八日不被邢老虎病
死鏐併其衆號十三萬騎五千轉掠襄陽樊城棗陽
隨州新野破泌陽而大學士焦芳僅以身免盡發其
先世塚墓無遺骸取芳衣冠被庭樹歷數其惡命劔
士斬之曰吾手誅此賊以謝天下進攻均州不克賊
黨聲言欲屠城趙鏐以馬文升家在圍中引衆去之

總制彭澤咸寧伯仇鉞督各邊將帥敗鐵千西河縣
後賊二千餘人奪回馬騾器械無筭奔鄆陵焚掠
而過至新鄭鄭州攻城不能入遂至滎陽汜水攻偃
師陸完右副都御史先是楊一清議擒斬賊三
名者陞一級時劉六劉七齊彥名雖擁眾數萬然多
劫掠脇從之徒其親信驍勇善騎射者不及千人官
軍每追及賊首驅脇從良民對敵并棄所掠財帛奔
逸而去官軍競取財帛斬獲脇從首級屢報捷首陸
完谷大用降獲獎勵十餘次前後報功萬計而正賊

卒無獲者甚至賊已去而官軍遇平民亦殺之以報
功大同游擊江彬過冀州入民家後二十三人有司
申狀大用完皆不問大用復奏帶權勢子弟僕從坐
功冒級日費餼廩自出師以來芻糧犒賞費太倉銀
二百萬餘府庫爲之虛耗三月劉三趙鎰等至河
南府參將金輔懼不敢渡河總兵馮禎率榆林兵方
列陣而姚信所部京軍馳越禎前失利先遁賊麾眾
突至禎下馬力戰死賊亦殺傷多乘夜奔汝州復犯
汝寧府殺湖廣土軍數十人入潁州朱臯鎮官軍追

敗之前後斬賊及渡河淹死入馬五千有餘沿途逃散者甚衆。鎡等由光山六安州攻破舒城劫掠人馬。夏四月桐栢知縣李聚率鄉兵敗趙鎡于縣外生擒僧等八名。泌陽縣劉機率鄉兵擒獲逆盜劉喜等總制彭澤督官軍敗趙鎡于六安州殺獲四百餘人追至定遠連敗之。湖廣僉事郭韶敗劉三趙鎡等於應山縣二郎畝。廣水店追逐懸崖溺水者千餘人。彭澤同巡撫劉丙督各路軍馬追殺鎡等於應山并子舖隨州蓬飢山等處。劉三劉資等潛匿山谷去。

李鈺率邊軍敗劉六等于臨朐沂水殄之。劉六劉七等東入登萊掠膠州平度萊陽破文登招遠攻圖寧。海陸完復分調許泰邵永合兵追勦賊潰分兩隊一隊由高密西奔李鈺追至沂水勦殺無遺。劉六劉七齊彥名等復北走霸州犯香河寶坻玉田諸縣敗官軍殺參政王杲于武清八里庄。兵部奏調參將成釗等統領京軍陸完甯杲亦分調諸將會兵截殺賊過馬東園殺戮甯杲子弟兵甚衆乃越霸州竟往雄縣迤南直抵山東賊雖屢屛然隨在脇聚寡而復衆先

是正月劉六等自文安而下，二月至宿遷，屯小河口，劫船欲渡，指揮周正禦之，不得前，退往桃源，屯于城子河，率眾萬餘掠邳州之沭口集，遂由贛榆過邳城，既擁眾復寇邳州，賊皆白衣，瀰漫郊野，知州周尚化悉力拒走之，三月賊過呂梁，沿途焚掠無遺，總兵劉暉破賊于滕之呂孟社，尋敗賊于邳之郭家庄，殺獲千餘人，賊且戰且走，至魚頭集，復破之，四月賊奔登州海套，陸完率大軍與劉六、劉七、齊彥名等遇于嵩淺坡古縣集等處，時宣六、鐵騎及中上材官、良家子

悉集將十萬人，合圍諸軍，奮勇鏖戰，斬首二千三百，殺傷二千有奇，俘獲百餘，諸會渠殆盡，六七彥名獨收驍騎三百餘潰圍而走，間道馳至河西務，其勢無前，諸軍悉出，莫能禦，賊將北出塞外，尼關險不得通，乃復越臨清而南下，邳之新安，迤邐馬家淺、雙溝、頻欲渡不得，復由靈璧西南而去，閏五月劉三自河南入羅田，轉掠黃陂，都指揮陳表擊敗之，還據羅田，仇鐵擊賊于光山，神周姚信為左，時源金輔為右，大敗之，斬首三百九十人，盜奔六安，諸將進至七里岡。

賊分爲三、神周追趙風子姚信進、賈勉兒二賊急復合其黨張通等率衆數千降、鏃屢與官軍戰不利、陳翰見勢敗、亦向總兵仇鐵降、時源金輔追劉三由黃陂光羅至桐柏南召、從騎十七人夜亡其半、至土地坡、指揮王瑾射劉三中其左目、三縱火自焚、瑾滅火、斫其首、卻指揮朱忠等復追擊賈勉兒于扶溝、賊奔沙河、溺死者甚衆、追至永城、勉兒變姓名匿項城之下村、老人王斌獲之、餘衆悉潰、趙風子走德安、知事不成、行至應山縣東北山坡下、遇僧真安因削剃鬚

髮藏度牒、令賊黨邢本道等各散、遂同真安欲渡江、從江西賊再圖大舉、湖廣巡撫劉丙督官軍擒邢本道等三十餘人于隨州、天王險寨等處、斬賊百餘級、獲馬騾器械千數、本道被獲、始知鏃削髮遁去、分命各道物色之、武昌衛軍人趙成、趙宗等行至黃陂縣九十三里坡、遇鏃過、見鏃狀貌異常、思與領示合心疑之、追至武昌江夏縣管家套、鏃入軍人唐虎店飯成等進擒之、搜獲真安度牒、檻車入京伏誅、劉七楊寡婦以子駒犯利津、僉事許達追至高苑、敗之、錢

嚮以百騎劫德平遠復引兵追至楊二庄盡殲之劉
六劉七圍邳州督漕都御史張縉擊敗之東海千戶
張瀛率銳卒開柵迎敵賊三騎馳突而前皆渠帥也
中矢斃其黨悉遁六等遂從棗林渡邳騎能屬者纔
三百人奔河南光山確山入湖廣棄馬登舟沿江抵
聚復聚黨至七百人駐兵武昌陽邏圍風鎮湖廣巡
撫都御史馬炳然攜家赴官賊遇之于爛泥鋪脅與
俱至南京炳怒罵之遂遇害掠其家人 內旨立監
第名太監陸閻以陸完討賊久不獲請出統軍禮部

尚書傅珪曰今兵老民疲直以多冒功者失將士心
禍旦夕及宗社諸公尚唯唯乎力爭之明自竟遣閻
監鎗出征傳旨令珪致仕 劉六爲湖廣官軍所追
風折帆檣擊死于水其子劉伸淮數人亦死劉七齊
彥名等糾合水寇自黃州下九江剽劫日多學等一
帶郡邑經安慶太平儀真所過殘滅 六月陸完帥
諸將邊兵馳至楊州斬退避指揮程鵬劉七龐文宣
等舟過蕪湖操江官軍不敢逼直抵瓜州燒燬戰船
搶奪軍器鎮江官軍禦之敗績殺掠過壩泊于通州

之狼山、常熟之福山港，遂凌駕江面，縱橫上下。通泰如臯，濱江之區咸被剝殘。秋七月，劉七等復自通州泝流上犯九江。劉七彥名等在江不安，舟居日上。通州遊掠，欲自通泰登晰，趨淮安，復還山東，爲揚州官軍所拒。與其黨韓三等謀復自海門而上，泝流過采石，泊蕪湖之月子湖。賊比三過南京，往來如入無人之境。賊在海門東七里港，謀入海，由張網海口深入裏河，不果。又泊隸上斷腰地方，遂自湖口縣乘風而西，寇南康，迺運勦黃登光州固始，還泛九江安慶。至

石炭河江口，遂往銅陵。時陸完自臨清馳至江上，都御史張縉、王鎮、叢蘭、俞諫及副總兵時源等分兵守要害。賊復沿江東下，起瓜州，蹂周家橋，歷孟賈下港，掠常州，殺常州守李嵩，遂犯江陰。殺縣丞余凌雲，仍泊狼山下。賊有舟三十餘，衆六七百人。陸完至鎮江，留總兵仇鉞、駐溫恭騎兵，駐江北劉暉，卻承以舟師趨江陰。八月，劉七等既泊狼山，其黨以失地利相尤，多潰去。丁丑，賊率衆二百餘攻通州。我軍擊之，賊退入船。是夕颶風大作，賊船皆解散飄墮，其衆顛踣不

支嘔泄臭穢自相擊撞。蘇人有應募獻計用火攻其
各水老鴉藏藥及火於礮矢中發之又為形如鳥擊
持之入水以擊鑽船機發自為運轉轉透船沈賊
一舟流之賊益駭勢迫乃登山圍聚或下崖散逸輒
為通州兵所蹙通州最與賊密邇而守吏亦特嚴整
壬辰夜三鼓副總兵劉暉帥遼東兵千總任璽帥大
同兵游擊郤永帥宣府兵金進癸巳與賊戰我軍聲
震天風火交熾賊披靡躋山巔古垣馮高控險鎗
矢瓦石雨下鏖戰賊初不識山路火勢既熾偕行屠

人逸出賊從之上山得路而我軍方奮勇直前日旂
輔劉暉率部將張春蕭澤高雲李春美饒鐵等誓死
決戰分軍為三劉暉在山北郤永在山南皆背盾跪
行而上手施鎗礮且上且攻盾上矢集如蟻不退遂
奪其垣賊墜崖死者無算其餘殘具解懸山下以備
逃竄至是覓嬰各下山爭船不得入劉暉立崖下百
矢齊發劉七勢迫遂赴水死彥各為宣府遊兵十旅
張鑑斬首劉暉擒獲餘賊及龐文宣等解京伏誅賊
逸而北者高雲追斬之皆盡 九月論平流賊功

谷大用弟谷大寬爲高平伯陸閭弟陸承爲鎮平伯
咸寧伯仇鉞進封咸寧侯並賜誥券世襲都御史陸
完彭澤加太子少保完召回掌院事廕一子錦衣衛
百戶內閣李東陽楊廷和梁儲費宏各廕一子錦衣
衛正千戶

谷應泰曰劉六劉七齊彥名等初發難于霸州
趙鏐邢老虎劉三等附之而盜愈劇至鏐等入
河南七等入山東是羣盜分寇之始也既而并
兵薄都城至尊倉皇名對左順中旨夜出指授

方畧社稷無人幾于發蒙振落矣乃馮禎繼破
鏐于景州而田彬沒全師于山左許泰前奏捷
於裴巖而劉七屠名城于冀右徒敗車奔旗靡
轍亂以此易彼得不償失游魂漸大禍延淮北
賊騎有京觀之築池隍無卽墨之堅指斥乘輿
妄陳天命而羣盜再薄都城矣夫金湯天險百
靈呵護么麼小寇敢爾蹂躪則以七等固嘗潛
入官門縱觀禁掖窺龍顏于豹房分天香于御
苑彼項籍偶觀會稽石勒倚嘯東門亦未有睥

晚形關扉。竊用楊如。茲盜者也。於是宮門晨扃。南郊幾阻。徵調繁興。六師雲集。然後七等再入。齊鎡等再入豫。自此以後。盜不復合。劉三趙鎡。猖獗于兩河。巡撫彭澤。以大同遼東宜府之師。禦之。劉六劉七。枝蔓于濟北。少司馬陸完及。禡。暉許泰諸將。禦之。其餘咸寧侯仇鉞。伏羌伯毛。銳中。貴谷。大用。邊將江彬。顛皆將門世胄。良卒。信臣。莫不赤羽耀日。鐵騎屯雲。然而魚鱗鳥窮。狼奔豕突。偏師少利。擁麾不前。軍氣初揚。獲追。

逸賊。甚至斬掠。難民。邀。數。幕。府。統。袴。輿。徒。動。加。青。紫。太。倉。少。府。溢。若。泥。沙。此。然。毒。所。以。日。深。中。原。所。以。不。靖。也。既。而。鎡。等。屢。挫。自。豫。南。竄。楚。境。楊。虎。潛。而。賊。勢。蹙。趙。鎡。擒。而。賊。黨。盡。矣。七。等。自。齊。北。掠。京。畿。南。窺。汴。宿。鋒。似。鴟。張。勢。亦。窮。迫。由。邳。流。豫。由。豫。流。楚。劉。六。沉。于。水。濱。此。亦。天。亡。之。秋。也。然。而。合。陸。登。舟。灰。復。燃。賈。其。餘。勇。三。江。騷。動。天。門。無。安。都。之。柵。京。口。無。徐。盛。之。城。踰。楚。窺。吳。如。履。平。地。幸。而。妖。星。已。隕。風。伯。揚。威。當。是。

時劉暉帥遼東兵任璽帥大同兵部丞帥宣府
 兵聚天下之全力撲窮途之連寇猶莫不水戰
 火攻矢窮弦絕然後骨骸專車頭行萬里當其
 始也劉瑾以威激之張忠以賄縱之及其繼也
 甯昂以酷激之馬中錫以撫縱之事發于中宮
 禍成于庸帥卒之封爵定勛先及中人子弟馬
 夫張讓通書張角黃巾平而讓等俱封列侯今
 孜孜亂黃巢長安破而令孜居功扈獨敗亡之
 主各賢其臣而五省生靈魚腹肉爛悲夫

紀事本末卷之四十六

提督浙江學政僉事豐潤谷應泰編著

際科

男

際辰

平蜀盜

武宗正德三年冬十月四川保寧賊藍廷瑞鄢本恕
 起漢中攻陷郡縣起右副都御史林俊巡撫四川兼
 贊理軍務督兵討之初廷瑞行山中得古棄印亡何
 又得一劍自謂有天命遂與其黨惑愚民倡亂時保

寧賊劉烈亦聚眾作亂，侵掠陝西漢中等處。四年十二月，藍廷瑞自稱順天王，鄆本恕自稱剏地王，廖惠自稱掃地王，合眾十萬人，寇湖廣、鄆陽等處。臣而聞巡撫林俊督兵捕勦，因流侵他境。劉烈等復還至四川，初烈等四出剽掠，侵陝西漢中，勢頗猖獗。至是復還，勦巡撫都御史林俊相機勦賊，未幾劉烈為亂兵所殺，餘黨廖麻子、喻思倖復熾。五年春正月，命刑部尚書洪鐘兼左都御史、總督州陝、湖、廣、河南四省軍務，征勦四川等處流賊。夏四月

月，藍廷瑞、廖惠等被通江縣林俊遣官兵及調羅、狗、石柱等處土兵攻取之，殺溺死者六千餘人，生擒廖惠、藍廷瑞奔紅口，與鄆本恕合兵，過陝西漢中三十。六盤至大巴山，俊復遣兵追及大敗之，賊棄輜重走。六年春正月朔，江津賊曹甫自稱順天王，攻圍縣治。僉事吳景被殺，巡撫都御史林俊聞報馳赴。乘元日賊方醉酒，不設備，乃夜半奪食，啣教往圍燒之，賊奔潰。又于山坪伏子岸等，連戰敗之，抵賊營殺死曹甫等。先後擒斬三千餘人，收回被掠男婦七百餘口。獲

馬騾器仗無算。五月鄢本恕藍廷瑞等縱掠蓬劍
二州命總制尙書洪鐘同巡撫林俊總兵楊宏相機
勦捕以靖地方。復勅巡視都御史高崇熙鎮守太監
李英同洪鐘林俊會勦劇賊藍廷瑞鄢本恕。六月
洪鐘至四川與林俊議多不合。軍機牽制不得速進。
藍廷瑞招集散亡勢復大振。攻燒營山縣治殺僉事
王源鐘乃會俊督四川兵陝西巡撫都御史藍章督
陝西兵及彬湖廣河南兵分路進勦。鐘與俊親監督
之湖廣兵先追及于陝西石泉縣。斃斗壩賊。見追急。

求招撫令至四川東鄉縣金寶寺聽撫。鐘給榜示并
檄召廷瑞等約日出降。賊意在緩師。延至六月十四
日始至信地依山駐營。廷瑞本恕俱不出。但使人來
言欲得營山縣治或臨江市。駭其衆方出見且要取
旗牌官爲質。鐘等俱許之。鄢本恕來見。回營。藍廷瑞
始後來見且降。且肆殺掠。仍于松樹壩劫掠民家計
欲脫走。官兵分七哨扼之。不得開賊窘甚。漸潰散。十
五日。廷瑞以所掠女子詐爲己女嫁與領兵士舍彭
世麟爲妾。結歡世麟。世麟自軍門受之。遂邀賊首至。

管宴會鐘令廷瑞所親鮮于金說廷瑞及本恕于十
六日帥諸賊二十八人同至彭世麟赴宴伏兵盡擒
之衆聞變遂大潰四出奔逸山谷鐘等遣諸路兵分
道追勦之擒斬溺死并俘獲老弱兵仗騾馬甚衆未
盡者許自首撫之惟賊首廖麻子未獲捷聞加鐘太
子太保俊章陞賚有差江津賊曹甫餘黨方四任
勦子麻六兒等擁衆走綦江入思南石阡等府方四
偽稱總兵任勦子偽稱御史賊首三十餘人偽稱評
士等名貴州兵敗之于思南播州兵敗之于三跳等

處先後擒斬三千人賊由貴州復入四川八月賊
攻南川馬頸雀子岡等關官兵禦之又攻東鄉永澄
諸處羅猶兵禦之前後頗有斬獲會百戶柳芳等陣
沒官軍却賊逆聲言欲取江津重慶瀘州敘州以攻
成都遠近震駭林俊駐江津高崇熙駐瀘州太監韋
興駐成都都御史王綸駐重慶檄副使何珊都指揮
鄒慶帥兵由合江進副使李鉞知府曹恕率兵由江
津進夾攻之九月賊攻江津會石砭兵至并力禦
之賊敗走追至合小坪破其四營賊以八千人昇攻

具復攻江津林俊李鉞曹恕督酉陽播州石碛等兵
三遂迎擊之賊敗追至高觀山斬首五百餘級俘獲
二百餘人官兵乘勝追擊賊乃乘高下石不得進賊
復擁衆時出衝擊李鉞幾不免賴從吏何士昂等力
戰得解林俊見賊勢猶盛遣降賊周大富入營招撫
之方四偽令其黨李廷茂出降竟不出高崇熙知賊
首皆仁壽人遣人詣仁壽取各賊家屬入營招之方
四等殺其族屬不聽撫遣人來言聽其自散去乃從
翼日李鉞督諸將校分兵爲六哨出大壩小壩月壩

關並進直衝高梁賊不能支六面皆合破其中豎斬
賊首任鬪子等賊大敗追殺三十餘里斬首一千八
百餘級生擒方四妻妾俘獲男婦三千四百餘人餘
衆墜崖填壑數里奪獲馬騾四千五百有奇士兵乘
勝追勦又殺二百餘人賊見官兵少還擊殺千戶田
宜冉廷質等方四妻妾復逸去遂率餘賊二千餘人
遁入思南境內 巡撫右副都御史林俊乞致仕許
之時官者用事各邊征勦必以其弟姪私人寄名兵
籍冒功陞賞後一切拒絕權倖惡之又與洪鐘議多

不合因乞致仕疏上忌者謂盜已平內批卽允之臺
諫疏留不報後歸蜀人號哭追送未幾麻六兒喻思
俸駱松祥范藻等賊復熾內江蒙慶之境騷然踰年
不能定矣命巡撫都御史高崇熙調兵討方四廖
麻子麻六兒等

七年二月江津賊方四等自去年正月奔貴州八月
復聚至是劫掠南川等縣高崇熙連戰敗走之閏
五月方四自南川破綦江僉事馬吳敗之奔婺川衆
遂散乃變姓名潛走開縣義官李清獲之送于官

十一月漢中賊廖麻子喻思俸內江賊駱松祥崇慶
賊范藻等分劫州縣衆號二十萬洪鐘分勦不服給
御史王翰劾鐘縱寇殃民罷職命右都御史彭澤總
制軍務同總兵時源征之

八年二月巡撫四川右都御史高崇熙以盜賊不盡
滅逮下獄以右僉都御史馬吳巡撫四川夏四月
彭澤率苗兵攻漢中劇賊廖麻子破之衆遁竄山寨
多伏匿菁棘中澤分兵搃出入奪水道渡開三面縱
賊夾誅之且盡廖有異術能隱形事急跳身遁購之

卒不獲。因移兵內江討松祥平之。九年春正月彭澤率兵討崇慶劇賊范藻等平之。四川群盜悉定。加總制軍務彭澤為太子太保左都御史。時源為左都督。

谷應泰曰。正德中蜀盜益盛。廷瑞鄢本恕廖惠起漢中曹甫方四起。江津廷推林俊。優詔特起。俊時憂閔家居也。俊既受命。通江之戰擒廖惠。走廷瑞。賊勢窮蹙。轉寘奉隴。吳景之死。曹甫投首。江津不叛。僅走貴州。俊之視蜀初効。可謂善綸。

入來方有朝廷。光弼代軍。旌旗變色者矣。而乃洪鐘出督。崇熙會勦。兵有連鷄之形。將無輔車之勢。我志方瑕。醜氛復振。然後羣帥戮力。數道並進。雖誘而殺降。疑近不祥。詎知縱之復叛。無異養癰。廷瑞本恕。檻車詣闕。保寧餘黨。誅鋤畧盡。所不獲者。廖麻子一賊耳。方四再寇江津。俊又大面督攻。斬其渠帥。四之妻孥。悉俘帳下。雖蠻官小衄。四幸漏網。喙息黔中。已墮心膽。假令借籌有人。處置得宜。璽詔優獎。留俊撫綏。汲黯

系事本末 卷四十六 七
卧治淮陽韋臯久鎮西川錦江三峽之間遂將
桴鼓不鳴乎角巾扁舟輕裝還里蜀民追送涕
泗橫流誰秉國成何其謬哉於是漢中餘孽廖
麻子再與喻思俸等倡亂矣黔中逋寇方四復
與麻六兒等出掠矣內江崇慶相繼効尤范藻
松祥入想雄長夫蜀寇紛紜本非劇賊王師歷
境實皆勁旅然而中人邀爵必使子弟監軍鄙
夫秉均喜言賊平受賞彭澤再出餘黨旋平蓋
用兵六載屢成屢勦後既去位人多畏谷至崇

熙逮而洪鐘撤爭利諸臣抑已知難而退矣澤
遂得專制閩外削平全蜀夫林俊當小腆初張
舉朝貪功之日而彭澤當賊氛滋蔓命臣畏禍
之時澤遂享有功名俊以齊志老死君子於俊
不無李廣祖述之感焉

文淵閣藏書
此書係乾隆年間
由內閣抄出
現存北京大學
圖書館

紀事本末卷之四十七

提督浙江學政僉事豐潤谷應泰編著

際科

男

際辰

宸濠之叛

武宗正德二年夏四月劉瑾受寧王宸濠重賂矯詔
擅復護衛屯田寧藩舊在大寧今三衛地也初太祖
諸子燕王善謀寧王善戰靖難兵起燕王以計挾寧
王遷北平後以其地與朶顏三衛遂徙封江西天順

開寧府不法革去護衛改爲南昌左衛王是宸濠遣
內官梁安輦金銀二萬通輩朦朧奏請准改南昌左
衛爲護衛又准與南昌河泊所一處侵奪民利太監
五年秋八月劉瑾伏誅兵部奏革寧王宸濠護衛仍
爲南昌左衛

六年冬十月寧王宸濠葬母於西山青嵐乃先朝禁
革舊穴也

八年夏四月寧王宸濠建陽春書院僭號離宮宸濠
懷不軌衛士李自然等妄稱天命謂濠當爲天子又

招衛士李日芳等謂城東南隅有天子氣遂建書院
常之

九年春二月復寧王宸濠護衛屯田先是陸完爲江
西按察司爲宸濠所重常曰陸先生他日必爲公卿
完亦心附之至是完爲兵部尙書濠喜曰全卿爲司
馬護衛可復得矣全卿完字也自完入內與王歲時
問遺不絕王致書完欲復護衛完答書須以祖訓爲
言時伶人臧賢者有寵於上左右近習錢寧張銳張
雄輩皆陰結之以求固寵賢婚司鉞坐法充南昌衛

軍宸濠因之以通于賢每手書寄賢字賢爲良之至是乞護衛輦載金寶于賢家分饋諸權要大學士費宏知之宣言曰今寧王以金寶鉅萬復護衛苟聽其所爲吾江西無噍類矣陸完知宏必阻之乃密謀于錢寧等會三月十五廷試進士內閣與部院大臣皆在東閣讀卷完遂於十四日投覆寧王乞護衛疏十五日中官盧明以疏下閣密約楊廷和出下制許之而宏竟不與聞廷和與完懼宏發其狀會言官交章論護衛不可復乃謀去宏以宏私其弟費家八翰林

鄉人黃初及第譖之且曰乾涸宮災下詔皆宏視草歸咎朝廷傳旨令宏致仕宏西歸舟至清源濠黨陰遣人入舟中縱火行李皆爲煨燼濠黨使人舟尾窺之見舟焚而餘貨盡遂以是復濠濠乃已 寧王宸濠自稱國主妄傳護衛爲侍衛敗令旨爲聖旨 夏六月寧王宸濠密令承奉劉吉等招劇盜楊清李甫王儒等百餘人入府號把勢 八月寧王宸濠令撫臣以下朝服見撫臣諭諫不可時宸濠久畜異志會有上賜欲撫臣等朝服見諫不可又嘗去其左右爲

深啣之。冬十月寧王宸濠招鄱湖賊首楊子喬統賊徒楊清等肆行劫掠。

十年春二月寧王宸濠招舉人劉養正入府密謀。濠聞養正有才名習兵法延至府講論宋太祖陳橋之變養正甚稱濠有撥亂之才密約待時舉事。夏六月寧王宸濠忌都指揮戴宣擅捶殺之。冬十月江西按察司副使胡世寧奏寧王宸濠無道罪狀下兵部移文寧府令鈐束其下。時宸濠反跡已著人莫敢言。世寧發憤上疏畧曰寧王自復護衛以來驟擾閭

閭。鈐束官吏禮樂政令漸不出自朝廷。臣恐江西之患不止群盜也。伏乞聖明廣集羣議簡命才節威望大臣兼任提督巡撫之職假以陳金彭澤之權銷隙寢邪於無形。勅王自王其國仰遵祖訓勿撓有司以防未然。疏上宸濠頗懼委過近屬以自解。以河南左布政孫燧爲都察院右副都御史巡撫江西先是俞諫以忤宸濠奪官閑住宸濠謀益橫腹削百姓輦珍寶結禁近以爲奧援及結連各洞寨逋賊縱其流劫鎮巡藩臬以正自持者必百計去之畏禍者遂翁

然依附。隨知大變將作。乃均征賦飭戎備。實倉儲。散
鹽利。諸凡摧剝黎萌者。漸次削除。偵姦黨。置之法。以
剪其羽翼。宸濠奏副使胡世寧離間親親。妖言誹
謗。賄營內旨逮之。先是世寧已陞福建按察使。宸濠
臨發毒之下血。幾殆。濠深啣世寧。必欲置之死。摘前
疏語為謗。上略用事者中以危法逮捕之。世寧既遷
福建使道。抵浙歸家。濠屬其黨巡浙御史潘鵬發卒
募取世寧。欲甘心焉。會李承勛為按察使。匿世寧。變
姓名間道歸命。京師得不死。下錦衣獄。世寧獄

上書言江藩橫逆朝野。皆聞。後臣愚憚天日其鑒。兩
京言官陳啓充徐文華文章論救世寧。繫再經冬。訊
鞫。榜掠幾死。十一月江西禾生象。宸濠二司稱
賀。左布政使張嶺以義折羣議。其之。
十一年春三月。寧王宸濠以上東宮未立。密遣萬鏡
林華賄錢寧等。稱長子宜入太廟。司香為名。迎取來
京。錢寧臧賢受厚賂。陰助之。夏五月。宸濠欲拓府
居。擬大內。左布政張嶺以非制拒之。秋八月。謫福
建按察使胡世寧。戊戌。遼東瀋陽衛初。世寧刑訊一年。

錢寧蕭敬張雄張銳江彬等受宸濠重賄。賜刑官必
坐以誣告親王罪至死。大理寺少卿胡瓚抗言曰。濠
謀賴世寧以發。而置之極刑。何以服天下。衆直之。及
行。撫按孫燧李潤奉勘委曲。明世寧無辜。得減死。謫
戍奪瓚等奉。九月宸濠奪官池。賄李士實左布政。
張嶺不可濠遣承奉劉吉饋以四菓。啓視之。則棗梨
薑芥也。嶺呼吉曰。我知之矣。是欲我早離江西界也。
臣子受命于君。行止豈人所能預。濠聞之。默然。冬
十月以王守仁爲都察院右僉都御史。巡撫贛。贛汀

漳等處

十二年春二月。寧府典寶閻順內官陳宣劉良奏宸
濠不法事。濠遣承奉劉吉賄錢寧。矯旨發順等孝陵
衛充軍。濠疑承奉周儀實使之。併家人六十餘人盡
捶死。三月宸濠令王春余欽等招募劇盜。凌十一
閔廿四等五百餘人。四集亡命。同楊清等藏丁家山
寺劫掠官軍民財商貨。復厚結廣西土官狼兵。并南
贛汀漳洞蠻。欲圖爲應。遣人往廣東收買皮帳。製作
皮甲。及私製鎗刀盔甲。并佛郎機銃兵器。日夜造作

不息。夏五月宸濠忌布政使張貴賄錢寧鳴吏部
陞光祿卿以遠之。秋七月以許逵爲江西按察司
副使。宸濠以進貢方物爲名遣徐紀趙隆盧孔章
等赴京偵伺沿途伏健步快馬限十二日報知。九
月巡撫孫燧奏宜重九江兵備之權湖東分巡兼理
兵備俟倖阻之不行。冬十一月宸濠化大學士費
宏遣人焚毀其廬墓并攻城掠羣從兄弟殺之孫燧
請兵擒捕下兵部議。十二月命太監畢貞守江西
貞遂附宸濠謀逆。

十三年春正月寧王宸濠誣奏清軍御史范輅喃近
倖逮問除名輅與畢貞爭坐及辨朝王服色故被陷
秋八月宸濠大集羣盜凌十一閔廿四吳十三等
四出劫掠有抗者陰使盜屠其家吳十三劫新建庫
銀七千餘兩南昌知府鄭獻置其窩主何順於理濠
怒誣獻事執送按察司監禁。九月宸濠賄倖改
中官畢貞鎮守浙江。冬十月巡撫孫燧捕賊首吳
十三等繫南康府獄濠恐泄謀陰令賊黨劫獄奪之
十四年春二月寧王宸濠持重賄交通南京留守太

監劉琅。夏四月，孫燧自劾乞罷，不許。時李士實、劉養正、王春、劉吉、萬銳等日夜與宸濠謀，恐事起，以反爲名，欲伺宴駕後乘變起，益遣奸黨盧孔章等分布水陸要道，萬里傳報，決旬往返，踪跡大露。先是，孫燧托禦盜名，城進賢、南康、瑞州，又請勅湖東道分巡兼理兵備，與饒相犄角。九江當湖衝最要害，請重兵備，兼設南康、寧州、武寧、瑞昌及湖廣興國通城，便控制。廣信橫降，香山諸寨地險人悍，設通判駐其地，兼督六縣，又恐宸濠一旦起，切兵器，假討賊，盡調衛城兵。

器於外，嘗笑曰：「卽賊起，吾不滅賊，賊必以吾處分故速滅也。」會江西大水，凌十一、吳十三、閔廿四等出沒鄱陽湖爲寇，燧與許逵自江外掩捕之。夜大風雨，不克濟，三賊走匿宸濠林墓中，竟不得濠，恐乃致書陸完曰：「急去，孫燧用梁辰湯沐來，王守仁亦可，切勿用吳廷舉。時燧疏宸濠逆謀凡七上，宸濠奸黨邀諸途，皆不得達，燧又以朝廷慈親，不敢先發，故自劾乞休，不報。」五月，遣太監賴義、駙馬都尉崔元、都御史顏順壽、臧飭宸濠，時江彬、錢寧有隙，太監張忠等當欲

借彬以傾寧會濠居父喪矯情飾禮復令南昌生保舉孝行拔孫燧并巡按御史王金奏其事燧等欲緩其逆謀具疏上之上見奏驚曰百官賢當陟寧王賢欲何爲且將置我何地耶張忠乃乘間密言曰朱寧臧賢交通寧王謀不軌陛下不知乎稱王孝譏陛下不孝也稱王早朝譏陛下不朝也上領之東殿大監張鏡大學士楊廷和初亦黨濠爲復護衛已而聞知有反謀且知上入忠言乃與廷和謀欲復革衛以免後患於是御史蕭淮疏稱寧王不遵祖訓包

藏禍心招納亡命反形已具疏入江彬張忠贊其說忽勅義等往革其護衛給事中徐之鸞御史沈灼各上疏宸濠不法事詔發兵大索宸濠偵卒于臧賢家時宸濠偵卒林華匿賢家家多複壁外鑰木厨開則長巷人無覺者華以是得脫歸不獲六月丙子寧王宸濠反都御史孫燧按察司副使許達死之先是朝廷遣賴義崔元顏頤壽等行崔元過楊廷和詢之廷和曰宣德中有姦于趙府常令駙馬袁泰往竟得釋或此意也元等遂行而京師競傳以爲且擒治寧

王偵李林華者卽兼程逃歸以六月十三日。至江西。值濠生日。宴鎮巡三司等官。聞報大驚。蓋舊日擒荆王時。差太監蕭敬駙馬蔡震都御史戴珊過南昌。寧王親見之。遂以此必擒我。不復記廷和所云趙府事也。罷宴。遂密召劉養正劉吉等謀之。養正曰。事急矣。明早鎮巡三司官入謝宴。可就擒之。殺其不附已者。因而舉事。乃夜集賊首吳十三凌十一閔廿四等。飭兵器以候。待旦。急召致仕侍郎李士儼入。以謀反告之。士儼唯唯而已。尋各官入謝拜畢。左右帶甲露刃。

侍衛者數百人。宸涼出立露臺。大言曰。太后有密旨。令我起兵入朝監國。汝等知之乎。都御史孫燧毅然曰。密旨安在。濠曰。不必多言。我今往南京。汝保爲否。燧張目直視濠。厲聲曰。天無二日。臣安有二君。太祖法制在。誰則敢違。濠大怒。命縛燧。衆駭愕。相顧失色。按察司副使許遠大呼曰。孫都御史朝廷大臣。汝反賊敢擅殺耶。顧燧語曰。我欲先發。不聽。今制於人。尚何言。濠併縛之。訊遠且何言。遠曰。惟有赤心耳。豈從汝反。且縛且罵。賊捶折燧左臂。并縛遠。賜杖尉火信。

等拽出惠民門外殺之。達且死罵曰：今日賊殺我，明日朝廷必殺賊。時烈日中，忽陰曠慘淡，城中聞之無不流涕者。遂執御史王金主事馬恩聰、金山右布政胡濂、叅政陳杲、劉斐、叅議許效、廉黃宏、僉事顧鳳都、指揮許清白、昂并太監王宏俱械鎖下獄。思聰、黃宏不食死。逆黨舉人劉養正至宸濠，自出城迎之。養正常言帝星明江漢間，故屬意宸濠。至是與李士實謀令叅政李敷僉事潘鵬師夔持檄諭降諸郡縣。左布政梁宸、廉使楊璋副使唐錦為所脇，移咨府部傳檄。

遠近革正德年號，指斥乘輿以李士實、劉養正為左。右丞相叅政王綸為兵部尚書，總督軍務大元帥，分遣逆黨襄伯王春等四出收兵。戊寅閏廿四，吳十三等奪船順流攻南康，知府陳霖等遁走。進攻九江，兵備副使曹雷、知府汪穎等亦遁。城俱陷，宸濠即令師夔居守。襄伯至進賢，知縣劉源清誅之。提督南贛軍務都御史王守仁移檄遠近，暴露宸濠罪惡，起兵討之。先是守仁提督江西，致仕侍郎李士實素與宸濠通，一日守仁見宸濠舉晏士實亦在座，宸濠因言

上政事缺失外示愁嘆士實曰世豈無湯武耶守仁曰湯武亦須伊呂宸濠曰有湯武便有伊呂守仁曰有伊呂何患無夷齊於是守仁陰爲之備會五月間福州三衛軍人進貴等作亂兵部尙書王瓊知宸濠且反謂主事應典曰進貴亂小事不足煩王守仁但假此便宜勅書在彼手中以待他變可也乃具題降勅令守仁查處福州亂軍故宸濠之叛江西守臣俱遇害被執惟守仁以往勘福建出六月初九日自潯起行十五日守仁至豐城知縣顧必晉濠反守仁易

服潛至臨江幾爲宸濠所及臨江知府戴德孺聞守仁至喜迎入城調度守仁曰臨江居大江之濱與省會近且當道路之衝莫若抵吉安爲宜又以三策籌之曰宸濠若出上策直趨京師出其不意則宗社危矣若出中策趨南都則大江南北亦被其害但據江西省城則出下策勤王易爲也及行至中途恐其速出乃爲計佯奉朝廷密旨先知寧藩反狀令兩廣湖廣都御史楊且秦金暗伏要害地方以俟寧藩兵至復取優人數輩厚賞以全其家令其至伏兵處所飛

報竊發日期將公文縫置袷衣絮中臨發適捕李士
實家屬至舟尾故令覘知之守仁乃佯怒令率上岸
處斬而陰縱之令其奔報宸濠邏獲僂人果於袷衣
絮中搜得公文不敢印發庚辰守仁飛報宸濠反王
瓊宣言曰有王伯安在何患不久當有捷報耳丁亥
守仁集兵糧傳檄四方諸郡縣知府伍文定等皆至
議所向守仁曰兵家之道急衝其鋒攻其有備皆非
計之得我故示以自守不出之形彼必他出然後尾
而圖之先復省城以搗其巢穴俟彼還兵來擾然檄

邀而擊之此全勝之策也宸濠果使人探守仁不出

秋七月壬辰朔宸濠會李士實劉養正造偽檄指

斥朝廷參政季駿同南昌教授趙承芳等贗偽檄榜

諭吉安守仁執縛軍門固封上進疏畧曰陛下在位

十四年屢經變難民心騷動尚爾巡遊不已致使宗

室謀動干戈莫竊大寶且今天下之覩觸豈特一寧

王天下之奸雄豈特在宗室言念及此可爲寒心昔

漢武帝有輪臺之悔而天下向治唐德宗下奉天之

詔而士民感泣伏望陛下痛自刻責易轍改絃罷奸

回以動天下忠義之心絕遊幸以杜天下奸雄之望
宸濠率兵出江西留其黨宜春郡王拱樞同內官萬
銳等守南昌自與拱樞李士實劉養正閔世英等六
萬人號十萬以劉吉爲監軍王綸爲參贊指揮葛江
爲都督載其妃媵世子從總一百四十餘隊分五哨
出鄱陽舳艫蔽江而下聲言直取南京太監畢貞守
浙江許起兵應之戊戌宸濠趨安慶知府張文錦都
指揮楊銳指揮崔文令軍士鼓譟登城大罵之然濠
遂留攻安慶時九江南首旣陷遠近震駭三人憑孤

城以忠義激士誓衆死守僉事潘鵬安慶人也宸濠
令鵬遣家屬持書入城諭降律文手斬之磔其尸投
城下宸濠令鵬至城下說之文引弓欲射鵬鵬走免
張文錦卽鳩家盡誅之宸濠盡攻擊之術不能克時
朝廷聞濠反乃收太監蕭敬秦用盧明都督錢寧渡
人臧賢尙書陸完等俱下獄籍其家後蕭敬罰二萬
金得免秦用陸完謫戍邊餘死獄中 癸卯王守仁
率知府伍文定等起兵會于臨江樟樹鎮于是知府
戴德孺引兵自臨江徐璉引兵自袁州邢珣引兵自

通判胡堯元童琦引兵自瑞州通判談德善官
王暉徐文英新淦知縣李美太和知縣李楫寧都知
縣王天與萬安知縣王冕各以其兵至十八日巳酉
至豐城衆議所往或謂寧王經畫旬餘始出留備南
昌必嚴攻之恐難猝拔今寧王攻安慶久不克兵疲
意沮若以大兵逼之江中與安慶夾攻之必敗寧王
敗南昌不攻自破矣守仁曰不然我師越南昌下與
寧王持江上安慶之衆僅能自保必不能援我於中
流而南昌兵議其後絕我糧道南康九江又合勢乘

之腹背受敵非利也不若先攻南昌寧王久不克安
慶精銳皆出守禦必單弱我兵新集氣銳南昌可克
也寧王聞我攻南昌必解安慶圍還兵自救暨來我
師已克南昌彼聞之自奪氣首尾牽制此成擒矣乃
分其兵爲十三哨哨三千人少者千五百人令伍文
定等各攻一門以四哨爲遊兵策應之謀報寧王別
伏兵攻廩爲城中聲援守仁遣知縣劉守緒夜從間
道襲破之以撼城中十九日發兵以二十日昧爽各
至決地守仁下令曰一鼓附城再鼓登三鼓不登誅

西鼓不登斬其隊將又先期為榜入諭城中居民令各閉戶自守勿助亂勿恐畏逃匿遂昇攻具至城下梯組而登城上雖設守禦聞風倒戈城門有不閉者兵遂入守仁乃入城撫定之時贛州奉新等兵皆降盜頗驍悍然多肆殺掠不遵約束民被殺傷者眾守仁執數人斬之眾稍定擒棋櫟及萬銳等十餘人宮中皆縱火自燒殺不盡者拘繫之散遣者從府庫被宸濠取充軍資及兵士畧取不盡者籍封之城始安時宸濠憤安慶不下方自督兵填濠壘期在必克

聞守仁帥兵攻南昌大恐李士實等勸宸濠勿還兵舍安慶徑取南京既即大位江西自服宸濠不從解安慶圍移兵泊阮子江先遣兵二萬還援江西宸濠自率大軍繼之二十二日謀報至江西守仁乃集眾議或謂寧王兵盛憑其憤怒悉舉而來我援兵未集勢不能支不若堅壁自守以待四方之援彼久頓堅城之下兵孤援絕將自潰矣守仁曰寧王兵力雖強然所至徒恃焚掠劫眾以威未嘗逢大敵與之旗鼓相當一鏖戰者彼所誘惑其下不過以事成封爵富

實爲說今進取不能。巢穴又覆。沮喪退歸。衆心已離。我以銳卒乘勝擊之。彼將不戰自潰矣。是日撫州知府陳槐亦帥兵至。於是守仁大賑城中軍民。慰諭諸宗室。榜示宥釋。脇從常受賊官爵。能自逃歸投首者。皆置不問。二十三日。諜報宸濠先鋒已至樵舍。守仁乃遣諸將帥兵迎擊之。令伍文定以正兵當其前。余恩繼文定後。邢珣帥兵繞出賊背。徐連戴德孺張兩翼分擊之。諸將各受命。出二十四日乙卯。賊兵乘風鼓譟而前。逼黃家渡。氣驕甚。伍文定余恩佯北致之。

賊爭進趨利。前後不相及。邢珣兵從後急擊。橫貫其陣。賊敗走。文定恩還兵乘之。徐連戴德孺兵合勢夾擊。賊不知所爲。遂大潰。追奔十餘里。擒斬二千餘級。溺水死者萬計。賊氣大沮。退保八字腦。是夜宸濠問舟所泊地。其下對黃石磯。南人謂黃王。宸濠惡其音爲王。失機殺對者。賊衆見兵敗。稍稍散去。是日建昌知府曾瑛等帥兵至。守仁謂九江南康不復。則道終便。且湖廣援兵不能達。乃別遣知府陳槐帥兵四百。合知府林械兵攻九江。知府曾瑛帥兵四百。合知府

刑朝佐兵攻南康。宸濠大賞將士，當先者于金，被傷者百金，使人盡發南康九江兵至。丙辰，并力合戰，官兵敗死者數百人。伍文定急斬先却者以殉，身立砲銃間，火焚其鬚鬢，不移足，士殊死鬪。兵復振，砲及宸濠舟，賊遂大敗，擒斬二千餘級，溺水死者甚衆。賊復退保樵舍，聯舟爲方陣，盡出其金帛賞士。伍文定等乃爲火攻之具，邢珣擊其左，徐璉、戴德孺擊其右，余恩等分兵四伏。期火發，兵合。丁巳，宸濠朝羣臣，執其不盡力者將斬之，爭論未決，官兵四集，奮擊之，火及

宸濠副舟，賊復大潰。宸濠與諸妃嬪泣別，妃嬪皆赴水死。將士執宸濠及其世子郡王儀賓，并僞丞相元帥等官李士實、劉養正、徐吉、涂欽、王綸、熊瓊、盧行羅、璜、丁瞞、王春、吳十三、凌十一、秦榮、葛江、劉勛、何鏗、王信、吳國士、火信等數百餘人，被執脅從官太監王宏、御史王金、主事金山、按察使楊源、僉事王疇、潘鵬、叅政陳杲、布政司梁宸、都指揮郝文、馬驥、白昂等，擒斬賊黨二千餘級，溺水死者約三萬，棄其衣甲器仗財物與浮尸積聚，橫亘若洲，餘賊數百艘，四散逃潰。復

遣兵分勦擊破之于樵舍又破之于吳城擒斬于餘級守仁所遣曾與陳槐亦攻復九江南康二郡各于沿湖諸處擒斬于餘級將士執宸濠入江西軍民聚觀歡呼之聲震動天地宸濠見守仁呼曰王先生我欲盡削護衛請降爲庶民可乎守仁曰有國法在遂頰首不言初宸濠謀反妃婁氏泣諫不聽及宸濠被擒于檻車中泣語人曰昔紂用婦人言而亡天下我以不用婦人言而亡其國今悔恨何及守仁爲束髮妃尸葬之得宸濠交賄大小臣僚手籍悉焚置不問

八月上下詔親征時王守仁擒宸濠捷書未至諸邊將在豹房者各獻擒濠之策上亦欲假親征南遊太監張永等見錢寧賊賢事敗又欲因此邀功于是上自稱奉天征討威武大將軍鎮國公邊將江彬許泰劉暉中貴張永張忠等俱稱將軍所下壘書改稱軍門檄上方出師駟蹕良鄉而守仁捷奏至且慮有沿途竊發欲自獻俘闕下疏畧曰臣於告變之際選將集兵振揚威武先收省城虛其巢穴繼戰鄱湖擊其惰歸今宸濠已擒逆黨已獲從賊已掃閩廣赴調

軍士已散。地方驚擾之民已定。竊惟宸濠擅作威福。睥睨神器。招納叛亡。輦轂之動。靜探無遺跡。廣置奸細。臣下之奏。白百不一通。發謀之始。逆料大駕必將親征。先于沿途伏有奸黨。期為博浪荆軻之謀。今逆不旋踵。遂已成擒。法宜解赴闕門。式昭天討。然欲付之部下。各官誠恐潛布之徒。乘隙竊發。或慮意外。臣死有餘憾矣。蓋時事方艱。賊雖擒。亂未已也。奏入。上寔檄止之。令以俘候車駕至。大學士梁儲將冕屢請回鑾不聽。九月上。至南京。王守仁發南昌將獻俘。

湖。張忠、江彬等謂當縱之。鄱湖俟上親與遇戰而後奏凱論功。屢遣人至廣信止之。守仁不得已。乘夜過玉山。械繫宸濠等。取道由浙河以進。張永已僱於杭州。守仁至杭。謂永曰。江西之民久遭濠毒。今經大亂。繼以旱災。又供京邊軍餉。困苦既極。必逃聚山谷。為亂。昔助濠。尚為脅從。今將遂成土崩之勢。然後興兵定亂。不亦難乎。永深然之。乃徐曰。吾之此出。為羣小在君側。調護左右。以默輔聖躬。非為掩功來也。但皇上意將順而行。猶可挽回。萬一若逆其意。徒激羣

小之怒無救于天下大計矣。于是守仁信其無他，以濠付之。乘夜渡浙江，過越還江西。大監張永復命先見上，備言王守仁之忠，并江彬等欲害之意。初江彬、張忠等謀欲奪功，誣守仁初附宸濠，及知其勢敗，然後禽濠，攘功。張永知其謀，語家人曰：「王都御史忠臣爲國，今欲以此害之。他日朝廷有事，何以教臣子之忠？」乃先見上，備言其事。彬等毀遂不入。張忠又言守仁在杭，竟不至南京。陛下試召之，必不來。無君所知，上召之。守仁卽奔命至龍江，將進見，忠殊失意。又

從中阻之。守仁乃綸巾野服，入九華山。張永聞之，又力言于上曰：「王守仁忠臣，今聞衆欲爭功，欲棄其地入山爲道士。由是上益信之。命守仁巡撫江西，擢吉安知府。伍文定爲江西按察司，贛州知府邢珣爲江西布政司右叅政。十一月上在南京。張忠、許泰、劉暉等復營內旨，領京邊軍討宸濠餘黨。時守仁受命巡撫江西，許泰等領京邊軍萬餘人在南昌，勦捕餘賊。給事中祝續、御史章綸隨軍紀驗，望風附會，肆爲飛語。北軍旦暮呼守仁名，謾罵或衝道啓營。守仁畧

不爲動，務待以禮。預遣官諭市人移家于鄉，而以老
羸應門。始欲犒賞北軍，泰等預禁之，令勿受。守仁給
示內外，述北軍離家苦楚，居民當致主客禮。每出遇
北軍，必停車問故，厚與之糶。嗟嘆乃去。久之，北軍
咸曰：王都堂待我有禮，我安得犯之？會冬至，時新經
濠亂，民間哭泣，酌酒聲聞不絕。北軍無不思家泣下，
求歸者。忠泰自挾所長較射教場，江西官軍射多不
中。忠泰乃強守仁，守仁故不得已，應之。忠泰笑，守仁
乃三發三中。每一中，北軍在傍同聲踴躍，呼應遠近。

忠泰不樂而罷，且曰：我軍皆附彼矣。遂班師。時江西
已寧，忠等搜求微隱，羅織平民，妄誅戮以爲功，而沒
其貨財。軍馬駐省城五閱月，糜費浩煩。江西騷然不
勝其擾。十二月，宸濠等至南京，上欲自以爲功，乃
與諸近侍戎服，整軍容出城數十里，列俘于前，爲凱
旋狀，旣入囚禁之。十五年秋九月上，以大將軍鈞
帖令巡撫江西都御史王守仁重上捷書。守仁節畧
前奏入。江彬、張忠等姓名於內，上之疏入，始議北旋。
冬十月上，自南京班師還京。十二月上，至通州。

賜宸濠死燔其尸餘黨至京師磔誅之獨抑王守仁
功未敘至嘉靖初始起爲南京兵部尚書封新建伯
谷應泰曰武宗慢棄神器王綱不守累葉金甌
視爲中原之鹿于是羣邪睥睨蕭牆之內耽耽
虎視人有風雲之想矣宸濠復護衛于正德二
年舉兵于正德十四年十餘年之間碁布星羅
賊黨幾徧海四當其始也規僉斯龍種之衰及
冀千秋萬歲之約畜梁孝淮南之志要結伍陳
嚴助之歡輿服升朝儼然大寶稱戈喋血詎其

禾懷旣而玉曆無龜妖謀漸洩羅落弱嚴腹心
愈廣其骨鯁不附者內則大學士費宏外則巡
撫孫燧副使許達數人已耳官掖樹其私人六
卿半其羽翼京省津梁飛騎立達荆蠻百越振
臂能呼知義旗之莫舉料乘輿之必東設伏關
前之開陰謀榜浪之事嗟乎飛鷹屬羽已上其
韞遊魚鼓鬣已吞其餌武宗方且改號將軍取
名鎮國右擎江彬左倚忠永張皇國門有同見
戲豈不危哉所幸宸濠身居彭蠡之間結聚椎

埋○之○客○地○利○既○失○人○謀○不○臧○玉○燭○灰○而○復○明○皇
輿○具○而○旋○正○是○乃○天○意○夫○豈○人○事○焉○若○王○新○建
崎○嶇○江○介○倡○率○羣○僚○亟○攻○南○昌○覆○其○巢○穴○迎○戰
鄒○陽○擊○其○惰○歸○柴○桑○捷○而○長○鯨○晝○徒○溢○口○圍○而
寶○帳○宵○灰○兵○甫○萬○餘○時○纔○旬○日○天○生○李○晟○爲○國
非○爲○朕○也○大○功○甫○立○疑○謗○旋○生○角○巾○野○服○口○不
言○功○委○蛇○於○羣○闕○之○間○調○護○于○悍○軍○之○日○所○憂
在○國○憂○而○不○在○身○危○所○爭○在○民○心○而○不○在○臣○節
卒○之○上○勳○格○而○不○行○五○等○加○而○又○奪○然○而○陳○湯

之○爵○失○而○不○泯○其○功○魏○徵○之○碑○仆○而○詎○損○其○直
微○彰○柔○剛○龍○蛇○伸○屈○殆○所○謂○浩○然○正○氣○日○月○

先○者○與○若○夫○孤○城○單○旅○率○制○賊○兵○不○使○下○留○都
者○安○慶○知○府○張○文○錦○武○臣○楊○銳○崔○升○也○聞○難○赴
義○先○登○摧○敵○佐○成○大○功○者○知○府○伍○文○定○及○邢○珣
徐○璣○戴○德○孺○也○分○剪○支○蔓○收○復○降○郡○者○知○府○陳
槐○曾○璵○也○王○瓊○拔○守○仁○于○未○有○事○之○先○未○雨○綢
繆○國○之○元○臣○張○永○一○寺○人○耳○片○言○感○悟○力○爲○左
右○呂○疆○張○承○業○之○功○何○以○加○焉○悲○夫○樊○噲○以○呂

○臧○而○得○免○○醜○杜○預○賂○朝○貴○而○始○遂○功○名○功○臣○志○士○所○遇○抑○又○何○窮○與○

... 王... 公... 志士所遇抑又何窮與



